

**ՄԱՐԴՈՒ ԻՐԱՎՈՒՆՔՆԵՐԻ
ՊԱՇՏՊԱՆԻՆ ԲՈՂՈՔ
ՆԵՐԿԱՑԱՑՆԵԼԸ**



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՄԱՐԴՈՒ ԻՐԱՎՈՒՆՔՆԵՐԻ ՊԱՇՏՊԱՆ



o Բողոքը Պաշտպանին ներկայացվում է գրավոր կամ բանավոր կարգով:

o Գրավոր կարգով ներկայացվող բողոքները կարող են անձամբ ներկայացվել Պաշտպանի աշխատակազմ, ուղարկվել փոստով կամ ներկայացվել առցանց:

o Բողոքի համար հատուկ ձև սահմանված չէ, սակայն բողոքում պետք է նշված լինեն դիմողի անուն-ազգանունը, խախտված կամ խախտվող իրավունքների մասին տեղեկությունները, իսկ առկայության դեպքում՝ անհրաժեշտ փաստաթղթերը:

o Բողոքը պետք է ներառի նաև ամիսամսաթիվ և լինի ստորագրված:

o Պաշտպանին ուղղված բողոքները ենթակա չեն ստուգման կամ գրաքննության:

o Բողոքներն իրավասու մարմինների կամ կազմակերպությունների կողմից ստանալուց հետո անհապաղ, բայց ոչ ուշ, քան 24 ժամվա ընթացքում պետք է ուղարկվեն Պաշտպանին:

o Ոչ ոք իրավունք չունի հոգեբուժարանում գտնվող անձի նկատմամբ գործադրել ճնշումներ և սպառնալիքներ Պաշտպանի կամ նրա ներկայացուցչի հետ հանդիպելու, զրուցելու, դիմելու և տեղեկություններ տրամադրելու համար:

**ՀՀ ՄԱՐԴՈՒ ԻՐԱՎՈՒՆՔՆԵՐԻ
ՊԱՇՏՊԱՆԻ ԱՇԽԱՏԱԿԱԶՄ**

ք. Երևան, Պուշկինի 56ա
+374 10 53 76 51 (քաղաքային)
ombuds@ombuds.am ([էլեկտրոնային փոստ](http://www.ombuds.am))

ՄԱՐԶԱՅԻՆ ՍՏՈՐԱԲԱԺԱՆՈՒՄՆԵՐ

Շիրակի մարզ, ք. Գյումրի
Մհեր Մկրտչյան 44/46
+374 312 41981
Գեղարքունիքի մարզ, ք. Գավառ
Կենտրոնական հրապարակ 4
+374 264 30116
Սյունիքի մարզ, ք. Կապան,
Արամ Մանուկյան 1/60
+374 285 20116
Տավուշի մարզ, ք. Իջևան,
Անկախության փ., 10 շ., 22 բն.
+374 263-40-116

OMBUDS.AM
PASHTPAN.AM

116 ԹԵԺ ԳԻԾ

**ՄԱՐԴՈՒ ԻՐԱՎՈՒՆՔՆԵՐԻ
ԱՊԱՀՈՎՈՒՄԸ ՀՈԳԵԲՈՒԺԱԿԱՆ
ԿԱԶՄԱԿԵՐՊՈՒԹՅՈՒՆՆԵՐՈՒՄ**

ՀՈԳԵԲՈՒԺԱՐԱՆՈՒՄ ՄԱՐԴՆ ԻՐԱՎՈՒՆՔ ՈՒՆԻ՝

- 1) ցանկացած պահի հրաժարվել առաջարկված բուժօգնությունից կամ դադարեցնել այն (բացառությամբ հարկադիր բուժման)։
- 2) պահվել անվտանգ միջավայրում։
- 3) կոչվել անվամբ կամ ազգանվամբ, ստանալ բարեկիրթ վերաբերմունք։
- 4) մայրենի կամ հասկանալի լեզվով ստանալ տեղեկություններ իր իրավունքների և պարտականությունների վերաբերյալ։
- 5) ստանալ բավարար սնունդ, անհետաձգելի բժշկական օգնություն։
- 6) սեփական միջոցներով գննվել նախընտրած բժշկի կողմից։
- 7) հանգստանալ, դուրս գալ բացօթյա զբոսանքի, զբաղվել մարմնամարզությամբ (կարող է սահմանափակվել բժշկի կողմից)։
- 8) ունենալ ութամյա գիշերային քուն։
- 9) ունենալ և ձեռք բերել առաջին անհրաժեշտության իրեր, օգտվել անձնական հագուստից։
- 10) գրել և ստանալ նամակներ (կարող է սահմանափակվել բժշկի կողմից)։
- 11) օգտվել հեռախոսակապից (կարող է սահմանափակվել բժշկի կողմից)։
- 12) հանդիպել այցելուներին (կարող է սահմանափակվել բժշկի կողմից)։
- 13) օգտվել թերթերից և լրագրերից (կարող է սահմանափակվել բժշկի կողմից)։
- 14) ստանալ կենսաթոշակ և սոցիալական պաշտպանության այլ միջոցներ։

- 15) ստանալ անվճար իրավաբանական օգնություն։
- 16) հրաժարվել լուսանկարահանումներից և տեսանկարահանումներից։
- 17) տալ համաձայնություն կամ հրաժարվել փորձարարական նպատակով բուժումից։
- 18) կնքել գործարքներ (կարող է սահմանափակվել դատարանի կողմից)։
- 19) ներկայացնել դիմումներ և բողոքներ։

ՀՈԳԵԲՈՒԺԱՐԱՆՈՒՄ ՄԱՐԴԸ ՊԵՏՔ Է ԻՐԱԶԵԿՎԻ ՆԱԵՎ

- 1) գտնվելու վայրի,
- 2) հոգեկան խանգարման բնույթի,
- 3) առաջարկվող բուժման նպատակի, մեթոդաբանության, տևողության,
- 4) կողմնակի ազդեցության և ակնկալվող արդյունքների մասին։

ՄԱՐԴԸ ՈՉ ՀՈԺԱՐԱԿԱՄ ԿԱՐՈՂ Է ԲՈՒԺՎԵԼ, ԵՐԲ

- o վտանգ է ներկայացնում իր կամ այլոց համար,
- o բուժում չիրականացնելը կարող է վատթարացնել իր առողջական վիճակը,
- o գննվել է հոգեբուժական հանձնաժողովի կողմից, որը տվել է համապատասխան եզրակացություն,
- o հոգեբուժական կազմակերպության տնօրենը դիմել է դատարան՝ անձին ոչ հոժարակամ բուժման ենթարկելու համար, և

o դատարանը կայացրել է անձին ոչ հոժարակամ բուժման ենթարկելու վերաբերյալ վճիռ։
Դատարանում անձի և նրա ներկայացուցչի մասնակցությունը պարտադիր է։

ԻՆՉ ԿԱՐՈՂ Է ԱՆԵԼ ՄԱՐԴՈՒ ԻՐԱՎՈՒՆՔՆԵՐԻ ՊԱՇՏՊԱՆԸ

- o Իրականացնել այցեր հոգեբուժարաններ՝ վատ վերաբերմունքը կանխարգելելու նպատակով։ Պաշտպանը կամ նրա ներկայացուցիչը պարտավոր չէ հաստատությանը նախապես տեղեկացնել այցերի ժամանակի կամ նպատակի մասին։
- o Անարգել տեսակցել հոգեբուժարանում գտնվող անձին և նրա հետ ունենալ առանձնազրույց։
- o Ոչ ոք իրավասու չէ գաղտնալսել կամ միջամտել առանձնազրույցին։
- o Անհրաժեշտության դեպքում ներգրավել թարգմանիչ, օգտագործել տեխնիկական միջոցներ (լուսանկարահանող սարք և այլն)։
- o Ներկայացնել առաջարկություններ՝ վատ վերաբերմունքը կանխարգելելու, այդ թվում՝ հոգեբուժարանում գտնվող անձի պահման պայմանները բարելավելու նպատակով։
- o Տեղում ծանոթանալ ցանկացած փաստաթղթի և ստանալ այդ փաստաթղթերի պատճենները։